



Heinricus ex honesta familia apud Belgas natus, à pueris operam literis dedit, & prima literarum rudimēta egregiè percepit. Postea sese ad uicinas Academias contulit, & meliori literaturæ præclaram operam nauauit. Itaq; cum in ijs plurimum profecisset, ad Embricensem ecclesiam uocatus, eius collegij Decanus cōstitutus fuit. eam functionē is summa animi moderatione suscepit, atq; ob eruditionem, modestiam, & humanitatem omnibus innotuit. Itaq; Erasmus Roterodamus anno 1520 Louanij existens hunc Heinricum plurimum dilexit, & in selectorum amicorū numero habuit. Propterea Heinricus literarum patronus suo tem

pore præclarus existens, meritò hoc loco inter illustres Germaniæ homines connumerari debet. Eras. lib. 14. Epist.